

SESIÓN EXTRAORDINARIA CELEBRADA POLO PLENO DO CONCELLO O DÍA 19 - ABRIL - 2005

ORDE DO DIA

- 1.- MOCIÓN DO GRUPO MUNICIPAL DE EU-IU DE RATIFICACIÓN DA CARTA DE VITORIA DE 25 DE NOVEMBRO DE 2004.
- 2.- APROBACIÓN INICIAL DO REGULAMENTO DOS MERCADOS MUNICIPAIS.
- 3.- APROBACIÓN INICIAL DA MODIFICACIÓN DO REGULAMENTO DA VENDA AMBULANTE.

Na Casa do Concello de Redondela, sendo as doce horas do día dezanove de abril de dous mil cinco, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, D^a. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, D^a. FRANCISCA CANAL GÓMEZ, D. RODOLFO PATO GARCIA, D. ANTÓN DÍAZ MOURELLE, D^a. M^a DEL CARMEN AMOEDO DASILVA, D. JAIME DARRIBA VILAS, D. XOSÉ CARLOS PAZOS DOCAMPO, D^a. HERMINDA QUELLE FERNÁNDEZ e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA ISABEL DEL CERRO DEL RIO, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Non asiste, excusando a súa ausencia, os/as Sres./Sras. Concelleiros/as: D^a. CARMEN RODRÍGUEZ CUNHA, D. JUAN TIZÓN CABAILEIRO, D. FERMÍN ALFAYA PAZ, D^a. CECILIA PÉREZ ORXE, D^a. PURIFICACIÓN SERRANO CAVIEDES, e D. ALEJANDRO BASTOS FERNÁNDEZ.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- MOCIÓN DO GRUPO MUNICIPAL DE EU-IU DE RATIFICACIÓN DA CARTA DE VITORIA DE 25 DE NOVEMBRO DE 2004.-

ANTECEDENTES.-

Propota de Moción do Grupo Municipal de EU-IU, que transcrita dí:

"A conmemoración, en Vitoria, do 25 aniversario dos concellos democráticos puxo de manifesto o extraordinario papel que os gobernos locais representaron no desenvolvemento social, económico e cultural do que gozou España neste período de convivencia democrática.

A mirada a este pasado, vivido como propio e do que foron protagonistas milleiros de persoas que contribuíron a escribir a historia do municipalismo español, convértese hoxe nun activo de futuro e nunha potente panca para xerar novos impulsos do benestar cidadán.

Os gobernos locais somos Estado, formamos parte da estrutura territorial do Estado, somos institucións políticas constituídas a través das decisións democráticas dos cidadáns, cos nosos propios órganos de goberno, de xestión, de control e fiscalización da acción do goberno, a nosa capacidade regulamentaria e incluso a nosa capacidade xurisdiccional.

Serie A N.º 1177831

Ao longo destes 25 anos as corporacións locais asumimos con responsabilidade, funcións e competencias que deron resposta en todo momento ás demandas dos nosos veciños, que ven nos entes locais a primeira liña do Estado.

Durante este período incorporamos progresivamente a prestación de servizos á cidadanía, co conseguinte gasto de recursos propios derivado do exercicio de competencias de substitución, en múltiples cuestións de carácter eminentemente social. O exercicio continuado destas "competencias impropias", foron acumulando unha débeda ao longo deste tempo que constitúe a primeira das nosas reivindicacións, froito do exercicio reiterado das competencias de substitución doutras administracións públicas.

As nosas propostas nacen da unanimidade, froito do consenso e de que as nosas carencias, necesidades e problemas son os mesmos. Desta reflexión xorde o documento que coñecemos co nome "Carta de Vitoria".

O decálogo do municipalismo do século XXI que recolle a Carta de Vitoria constitúe a declaración dos poderes locais que enmarca o horizonte dos próximos anos entorno ás actuacións preferentes de: Garantir a solvencia económica e financeira, delimitar o listado de competencias locais no proceso de reforma dos estatutos de autonomía, a consolidación da representación institucional e política dos gobernos locais no Senado.

Xa é hora de realizar co apoio e o consenso de todas as institucións do Estado unha aposta decidida para dar a resposta que o municipalismo español vén demandando, polo tanto é preciso impulsar a adopción das seguintes medidas:

DECÁLOGO DO MUNICIPALISMO DO SÉCULO XXI

- **Garantir a representación dos poderes locais no Senado.**

O artigo 137 da Constitución organiza territorialmente o Estado en municipios, provincias e comunidades autónomas. Para que o Senado poida desenvolver a identidade de cámara territorial que lle confire o artigo 69 da Constitución, a súa composición debe ser fiel reflexo desa estrutura, integrando tanto a representación das comunidades autónomas como a dos gobernos locais, tal como se fixo ao fixar a representación do estado no comité das rexións da Unión Europea.

- **Un Novo Estatuto do Goberno Local.**

O recoñecemento constitucional dos municipios, das provincias e illas como nivel de goberno territorial autónomo require para a súa efectividade, o establecemento dun ámbito competencial propio, que lles permita xestionar unha parte importante dos asuntos públicos baixo a súa propia responsabilidade e en beneficio dos seus veciños, así como un sistema de financiación que lles garanta recursos suficientes para o seu adecuado exercicio. España debe aplicar os principios de autonomía local subscritos nos Tratados Internacionais representados polo noso país, tal como a Carta Europea de Autonomía Local.

- **Un Goberno local solvente.**

O principio constitucional de suficiencia financeira garante aos gobernos locais os medios necesarios para desenvolver aquelas funcións que se lles atribúan, dotándoos de recursos que permitan asegurar que as competencias asumidas, sexa cal sexa a orixe das mesmas, van a exercitarse a plena satisfacción dos veciños e ademais cun importante aforro de medios polo interese e proximidade na xestión.

A reforma que se aborde, debe contemplar unha conexión entre medios e competencias axeitadas para exercitalas, deseñando unha nova financiación local con medios propios e transferencias incondicionadas do Estado e das Comunidades Autónomas, en función das competencias que se desenvolvan e establecendo os mecanismos de nivelación necesarios para garantir a equidade.

Os poderes locais deberán ser compensados pola débeda histórica acumulada ao longo destes anos a causa da prestación de servizos por parte dos Concellos, substituíndo a non presenza dos outros poderes do Estado.



NUMERADO
CORPORACIÓNS
LOCAIS

- **Un Goberno local de proximidade.**

Nos termos da Carta Europea de Autonomía Local, os Gobernos Locais terán o dereito e a capacidade efectiva de ordenar e xestionar, nese espazo propio do que falamos, unha parte importante dos asuntos públicos, aplicando como norma xeral o chamado principio de subsidiaridade.

A garantía de prestación de servizos públicos de calidade en todo o territorio será articulada mediante entes locais intermedios (Deputacións, Mancomunidades, Comarcas...) que lle permitirán que todas aquelas competencias ou servizos, que interesen á comunidade veciñal, sexan prestados por institucións locais de ámbito municipal ou supramunicipal.

- **Reforzar os mecanismos de relacións intergubernamentais.**

As relacións de colaboración e cooperación entre as administracións públicas requiren o bo funcionamento dunha organización pública fortemente descentralizada. O incremento da cooperación local coa administración do Estado e as Comunidades Autónomas require a consideración de mecanismos e fórmulas de cooperación conxuntas entre Estado, Comunidades Autónomas e Gobernos Locais, aplicando o principio de subsidiaridade como forma de distribución de funcións e competencias entre as tres administracións.

- **Un novo réxime de organización para os Gobernos Locais.**

O recoñecemento para a capacidade normativa do Estado, das Comunidades Autónomas e das Entidades Locais debe ir acompañado da consolidación do principio de Autonomía Local que implica o valor de ordenanzas e regulamentos que aproban os Gobernos Locais xunto co desenvolvemento organizativo como auténticas institucións de goberno.

- **Un estatuto dos cargos electos locais.**

Case 20 anos despois da aprobación da lei de Bases de Réxime Local, a experiencia acumulada durante este tempo aconsella proceder a unha auténtica revisión do estatuto dos cargos electos locais que garanta o pleno desenvolvemento das súas funcións como lexítimos representantes democráticos do pobo soberano. Así como outorgarlle os mesmos dereitos sociais que a calquera cidadán cando deixe de ocupar o cargo público para o cal foi elixido.

- **Modernizar a función pública local.**

Impulsar unha política de recursos humanos integrada que permita a todos os empregados públicos locais desenvolver plenamente as súas aptitudes, co fin de conseguir que a función pública se adapte ás esixencias improrrogables da crecente sociedade da información e novas tecnoloxías para lograr unha mellor prestación de servizos fronte á cidadanía.

- **A institucionalización da FEMP**

É o paso necesario cara a lograr o recoñecemento efectivo do papel desenvolvido polos Gobernos Locais nos últimos 25 anos e para restablecer o equilibrio que require o mandato constitucional de configuración territorial do noso Estado de dereito. A través da FEMP, os poderes locais estarán representados en todos os Consellos e Conferencias Sectoriais do Estado onde se debatan e decidan as políticas territoriais. O presidente da FEMP será membro nato da Conferencia de Presidentes.

- **Os poderes locais son á vez Órganos de xestión e institucións públicas.**

Son parte integrante do Estado e conforman un dos tres niveis da súa estrutura administrativa gozando de plena autonomía nas funcións que lle son propias e non sendo en ningún caso institucións de ámbito autonómico.

Por todo iso o Pleno do Concello de Redondela **ACORDA**

Serie A N.º 1177832

Primeiro: ratificar a Carta de Vitoria, aprobada pola Comisión Executiva e o Consello Federal da FEMP nas súas reunións do 14 de decembro de 2004.

Segundo: remitir este acordo ao Presidente do Goberno do Estado e ao Presidente da Comunidade Autónoma de Galicia.

INTERVENCIÓNS.-

O voceiro do B.N.G., D. Xosé Carlos Pazos Docampo, non comparte nin o espírito, nin a letra da Carta de Vitoria, polos seguinte motivos:

Considera centralista o protagonismo que lle outorga ás cidades, non sendo desexable a desestructuración territorial. A incidencia exclusiva no ámbito cidadá supón un ataque ó Estado plurinacional e das Autonomías, ó tempo que supón un tinte españolista.

Tampouco comparte a incorporación das Entidades Locais ó Senado.

Elúdese a clarificación lexislativa e unha axeitada distribución competencial, pois non terá sentido a supervivencia das Deputacións Provinciais, unha vez que entren en funcionamento as Comarcas e as Áreas Metropolitanas.

Esquécese da FEGAMP e ciñese exclusivamente á FEMP, o que delata unha vez máis o seu carácter excesivamente centralista.

Por outra banda, sinala que existen servizos públicos, como por exemplo os servizos sociais, que non poden ser de competencia municipal, pois teñen que estar garantidos para tódos os cidadáns en igualdade de condicións.

A voceira do PP, Dona. Francisca Canal Gómez, está a favor da adhesión.

O voceiro do PSdeG-PSOE, D. Emilio González Iglesias, tamén está de acordo, pois considera que a Carta é un acordo de mínimos. O PSOE apoiou a Carta no seu día, e agora mantén ese apoio.

O voceiro de EU-IU, D. Manuel Pérez Pardo, manifesta que obviamente quedan cuestións fora do contido da Carta, como é a necesidade de mancomunarse ou a participación cidadá, pero é que debe plantexarse a Carta como un acordo de mínimos.

A voceira do PP, D^a. Francisca Canal Gómez, considera unha grave irresponsabilidade que o Concelleiro Sr. Pérez Pardo, inste a convocatoria dun pleno extraordinario para debater unha moción como propia, e agora diga que non está de acordo, ó cen por cen, co seu contido.

O voceiro de EU-IU, D. Manuel Pérez Pardo, contesta que a razón de convocar un pleno extraordinario motívase na recomendación formulada pola FEMP, e en canto á Carta non se desmarca de nada do dito con anterioridade.

A voceira do PP, D^a. Francisca Canal Gómez, respondeu que a ela lle aconsellaron que o asunto se tratara na sesión ordinaria do Pleno.

VOTACIÓN E ACORDO.-

Sometido o asunto a votación, o Concello Pleno acorda co quorum da maioría absoluta do número legal dos seus membros, sendo catorce votos a favor (7 do PSdeG-PSOE, 5 do PP, 1 de R.A. e 1 de EU-IU), e un voto en contra (1 do B.N.G.), aproba-la Moción do grupo municipal de EU-IU transcrita.-



NUMERADO
PRACIÓNS
LOCAIS

2.- APROBACIÓN INICIAL DO REGULAMENTO DOS MERCADOS MUNICIPAIS.-

ANTECEDENTES.-

Regulamento dos Mercados de Abastos do Concello de Redondela.

Informe de Secretaría de data 7 de abril de 2005.

Dictame da Comisión Informativa de industria, comercio, emprego e desenvolvemento local de data 14 de abril de 2005.

VOTACIÓN E ACORDO.-

Sometido o asunto a votación, o Concello Pleno acorda co quorum da maioría absoluta do número legal dos seus membros, sendo dez votos a favor (7 do PSdeG-PSOE, 1 do BNG, 1 de R.A. e 1 de EU-IU), e cinco abstencións (5 do PP):

Primeiro.- Aprobar inicialmente o Regulamento dos Mercados de Abastos do Concello de Redondela.

Segundo.- Abrir un periodo de información pública mediante a publicación de anuncios no Boletín Oficial da Provincia e no Taboleiro de Edictos do Concello, polo prazo de trinta días, para que poidan presentarse reclamacións e suxerencias, que deberán ser resoltas pola Corporación. De non producirse reclamacións ou suxerencias, dito Regulamento considerárase aprobado definitivamente.

Terceiro.- Publicar íntegramente o texto do citado Regulamento no Boletín Oficial da Provincia.-

3.- APROBACIÓN INICIAL DA MODIFICACIÓN DO REGULAMENTO DA VENDA AMBULANTE.-

ANTECEDENTES.-

Proposta de modificación do Regulamento Municipal Regulador da Venda Ambulante no Concello de Redondela.

Informe de Secretaría de data 7 de abril de 2005.

Dictame da Comisión Informativa de Industria, Comercio, Emprego e Desenvolvemento Local, de data 14 de abril de 2005.

VOTACIÓN E ACORDO.-

Sometido o asunto a votación, o Concello Pleno acorda co quorum da maioría absoluta do número legal dos seus membros, sendo dez votos a favor (7 do PSdeG-PSOE, 1 do BNG, 1 de R.A. e 1 de EU-IU), e cinco abstencións (5 do PP):

Primeiro.- Aprobar inicialmente a modificación do Regulamento Municipal Regulador da Venda Ambulante no Concello de Redondela, consistente en: